

CICIKOANBÁDIEGU

BULICINA FASO

Ti baa dógú pò, li yaa dani kúuma, ti baa paadí

GUFENEMA MASOAGINDO

**BÀALÓ KOANBÁLA TÁÁNLI
JÁGA DOAGIDIMA**

(PP-G N°021-2026)

Pengidiwende Silibeedi WEDIRAWOGO

Wagidugu, li binli 2026 ciluoba dana 25

Báaló Koanbála táánli den kàli Wagidugu
nani ban mááni ki tiédi màamà dana lele kúli,
li binli 2026, ciluoba dana 25, alaamuda daali
ki cili leeri 9 yogunu ki ban gbeni leeri 13 leni miniti 34,
Kapitenni Ibirayimi TARAWORE, yua n tié ti Diema Yudanciamo
leni a Koanbála Táánli Lìgìyúa n den gobidi laa táánli.

A Koanbála Táánli den noanli li daali máyùla nni
ki tàà a jága, ki púni i làabáali,
ki dini bi niba a bála li tuonli pò,
ki púni u sànú bi niba n gedi dietoama nni ti diema yèli pò.

I. A JÁGA

I.1. YAA KOANBADIEGU N DIE U LOAGU LENI I LIGI KUBIMA TUONA KANI.

A Koanbála táánli táá **másienkaama tila lie (02).**

Mi másienkaama tikpiali waani ke Bàaló baa jaligi ki cilini mi diema jakoanda kunkun-tiayiekaadi tagima tuonsoanjaali (TEKISIFORISI-BF) mi diema niba kuli fuoma po.

Laa tuonsoanjaali maama po, li bua tinfancianma lie mi tagima masina buunma po leni ban baa ŋaa yaa fuali li tuonsoanjaali puginma saala po.

Laa tinfanliedima ye Logofuruso dojaali nni, Bobo Julaso dociamu kominno nni. Mi tinfanma yeni pundi baabiciami(hekitaari) 5 leni baabibila (aari) 69 leni baabila boagidima (santiari) 90.

Mine másienkaama tili bua ki ŋanbi ki guuni mi diema jakoanda kunkun-tiayiekaadi tagima tuonsoanjaali (TEKISIFORISI-BF) kelima li tie yaa tuonsoanjaali n pia ti ñuadi boncianla Bulicina Faso po u loagu, mi tagima leni bi niba yema ŋamu tuona nni.

Laa másienkaama tili tááma baa teni Bàaló n bàà ki diedi laa tinfanma, ki bàà jaligi ki cilini mi diema jakoanda kunkun-tiayiekaadi tagima tuonsoanjaali (TEKISIFORISI-BF) mi diema niba kuli fuoma po.

Mi másienkaama tilieli guani ki pegidi yaa másienkaama tili lanba n tie n°2024-0174/PRES-TRANS/PM/MEFP, ban den táá yaama li binli 2024, citaa dana 04 ki waani ban baa yaa kubi màamà bi niba n biliti yaa li ligigbaali Bàaló ligidiedi nni.

Laa masienkaanma tili goapegidima bua ki teni yaala n den tie poadi mi másienkaama tikpiali nni n guani ki tegini nani lan bili màamà.

Yeni, yaa másienkaama tili n den cili ki ye nni, a ñoamabona 6, 7 leni 8 náá kadi ki waani canyi yaa saliwudi tuonsoandiedi n baa fidi ki luodi Bàaló ligidiedi nni li ligigbaali ligikpagidi. Moko, li náá go kadi ki waani bonceli danba tuonjaana leni Bàaló tuonsoandiedi yaadi n ki pia yaa báli máama tila n dagidi a tuona po mo n baa ñoadi yaa sanbila ki bàà ki luodi Bàaló ligidiedi nni li ligigbaali ligikpagidi.

Li boncànla yaala n tugi yuli yaa másienkaama tili n goa ki pegidi yeni nni tie:

- ki kadi ki waani Bàalo leni bonceli danba tuonsoandiedi bi tuonsoanjaana buoli yaadi bi ya n baa fidi ki luodi li ligigbaali ligikpagu Bàaló ligidiedi nni ;
- ki teni mi findima tuonsoanjaana ya n pia i ligi todikaaba leni a minteela tuonsoandiedi yaadi ke bu toabu leni u báadogu guudima tuona koanbáli bani ti po n fidi ki luodi li ligigbaali ligikpagidi Bàaló ligidiedi nni, ke li dáá go pundi ban mia li po u sanu i ligi kubima tuona koanbáli.
- ki waani yaa tuonsoanba n baa yaa kubi li ligigbaali ligikpagidi Bàaló ligidiedi nni n baa yaa tie yaaba.;
- ki doagidi canyi Bàaló ligidiedi nni, nilo n baa ñoadi màamà ki bàà i ligi ke láá pundi yaa ligi n bili li daano ligigbaali ligikpagu nni.

Laa másienkaama tili baa teni ban doagidi canyi Bàaló ligidiedi nni li ligigbaali ligikpagidi luodima sanbila mi diema ligi kubiñanma po.

I.2. YAA KOANBADIEGU N DIE I LÀABÁALI, KU MÀÁSÙAGU, I NII TAGIMA LENI YANLUADI GOADA TUONA KANI

A koanbália táánli taa **tiwaankaana lie (02)**.

Li tiwaankakpiali tuugi leni **ban bogini yaa másienkaama tili** ki waani i làabáali, ku màásùagu, i nii tagima leni yanluadi goada tuona koanbadiegu n bogini màamà.

Li tie yaa másienkaama tili n bua ki waani i làabáali, ku màásùagu, i nii tagima leni yanluadi goada tuona koanbadiegu n guani ki bogini màamà ke li tuugi leni mi másienkaama tili yaama yaa lanba n tie n°2025-1545/PF/PRIM, ban den taa yaama li binli 2025, piiga n cilie dan 1 daali, ki waani ti koanbadiedi n gagidi ki bogini màamà leni yaa lebidima n tieni laa koanvadiegu nni.

Laa lebidi ma tie :

- Bulicina Faso nni telebanba tuonsoanjaali guanma yaa koanbadiegu n diidi enterineti, a tisoankàana tuonsoandiedi leni tankalafo tuona po ;
- mi làabáalitenma koanbadiegu ligicàga táánma lani n tie ke bonceli danba làabáalitenma tuona ligicàgili (FAPEPE) lebidi ki tua ku gbanansaagu jeliti leni boncéli danba làabáalitenma todima ligicàgili (Wasa bondo), ke ku màásùagu leni yanluadi goada findima tuona (FEDESETE) ligicàgili mo lebidi ki tua Bulicina nni u loagu findima leni bi niba yema namu pugina (FEBEDESİ Tonwogo) ligicàgili;
- Desiyonba leni porovensinba nni i làabáali tenma tuonsoadiedi cilima i làabáali tenma koanbadiegu tuona boagidima po nani mi diema tinbuona n yuandi ki boagidi màamà.

Laa másienkaama tili táama baa teni yaa koanbadiegu n die i làabáali, ku màásùagu, i nii tagima leni yanluadi goada tuona n bàà boginpanma nannanli ku tuona cenli namu po.

Li tiwaankalieli tuugi leni i làabáali, ku màásùagu, i nii tagima leni yanluadi goada tuona koanbadiegu tuoncele sonma.

Laa tuongagidikaana tie:

- Noweli IsidoriToma SANKARA bunbunli fanwaligu nni a táána dieli, ti tiadi bilima diebila leni i moajadikaani diebila maama. ;
- laa diena maama tuona goandima;
- i kubaabi cenli tanpoli po tuona leni li ligi kpaagibandima ;
- li binli 2026 po i làabáali boginma (PETA) leni bu toabu làabáalitenma sanbila tuona suagima ;
- li binli 2026 po i làabáali tenma boginma tuona suagima u báadogu buama todima ligi ñanma po.

Laa tuona po yaa ligi n bua tie **miliyon kobyia n piyia n bonbibile n kobiga n tuda yia n kobilele n piimuu n kuumu yia leni falininba luoba (997 109 759,6) Seefa ligi nni.**

Li ligi baa ña Bàaló ligikpagu nni li binli 2026 tuona po.

I.3. YAA KOANBADIEGU N DIE TI BUUDI TUONA KANI

A koanbáalia táánli táá **tiwaankaana lie (02).**

Li tiwaankakpiali tuugi leni **ban bogini yaa báli máama** ki waani li báli máama sanbila n baa ñoadi màamà nilo báli dinma po, nilo tuonli sienma po bi nilo ñanma li tuonli nni, nilo bii waanma po bi nilo tuonsoantili bààma po.

Ban bogini yaa báli máama tie ki guani ki bogini mi diema Yudanciamo n den táa yaa báli máama li binli 1975, cimuu dana 06 ke mi lanba tie n°75-23/PRES, ki waani li báli máama sanbla n baa ñoadi màamà nilo báli dinma po, nilo tuonli sienma po bi nilo ñanma li tuonli nni, nilo bii waanma po bi nilo tuonsoantili bààma po. Li pundi bina kobiga boagidima ke laa báli máama náá go tuugi canyi leni bi niba gobidima sanbila, ti tuonsoandiedi gobidima lebidima, mi tagima puginja leni li báli máama sanbila lebidima mi diema nni leni li ñandunli nni.

Ban bogini yaa báli máama yeni nni, li boncànla tie:

- ki teni bi ya táá báli máama nilo báli dinma po, nilo tuonli sienma po bi nilo ñanma li tuonli nni, nilo bii waanma po bi nilo tuonsoantili bàama po, li ya tie ke laa báli máama ñani mi diema Làabáalitianli nni, dana 03 puoli ban teni man bili yaala n cili mi tienma ki dá go guudi dana 08 ká;
- ki ñii mi tagima sanbipaana n cuani yaa banma mi làabáalitenma tuona nni, ki yaa ñandi li báli máama tila bi li tuonli masienkàama tila ;
- ki yaa pia u sanu ki waani nilo tuonli masienkàama tili leni enterineti.

Ban bogini yaa báli máama nne baa teni ban guani ki pandi li báli máama tila leni li tuonli másienkàama tila táama leni a wanma sanbila.

A Koanbála Táánli puni u sanu ke ban bogini yaa báli máama yeni n pundi Depiteenba tuonsoandiegu kani.

Li tiwwankalieli tuugi leni **ban bogini yaa báli máama** ki wani ti buudi cuonu tuonli bi niba kuli todima po n baa yaa tuuni màamà.

Li tie ban bogini yaa báli máama ki baa guani ki pegidi yaa báli máama tili lanba n tie n°035-2024/ALT, ban den táá yaama li binli 2024, piiga n cilo dana 08 ki waani ti buudi cuonu tuonli bi niba kuli todima po n baa yaa tuuni màamà Bulicina Faso nni.

Li tie moamoani ke laa báli máama n lingi yaala tie ki wadi a kpaada ti kpaadidiedi nni nani kpaadili kuli po ti buudi cuonu báli máama n bili màamà. Amá yaala n tugi yuli tie ke ti buudi cuonu tuonli bi niba kuli todima po baa teni a kpaada n yaa tuuni a kpaadidiena yema ñamu tuona leni mi findima tuona.

Amá, laa báli máama tienma nni, a paka boncianla teni ke ban bi sugini yaala n lebidi náá lebidi, kelima a bujiala ki teni ke a kpaada yaaba yaa bii n wa buudi panpaani tie ti buudi cuonu tuonli bi niba kuli todima po.

Ban bogini yaa báli máama yeni nni yaala n tugi yuli ki tie boncànla tie :

- ti buudi jiama nni, ki kadi ki waani ke a kpaada yaaba yaa bii n wa panpaani tie ban soani ti buudi cuonu tuonli bi niba kuli todima po;
- ki teni u cuonu panpaani n ñoadi leni kpaadili kuli n bani yaa yanfuotuonli;
- ki dáá táani yaa bii n tuugi leni mi nimiligibiadima tuada bi leni i biiciami laa báli máama tienma nni ;
- ki táá yaa sanbila n baa teni ban yen lebidi a kpaada cuonu panpaani ki guani ti buudi cuonu tuonli bi niba kuli todima po.

Li tie yaa báli máama n bogini ki baa teni ti buudi cuonu tuonli bi niba kuli todima po báli máama paalu n pugini Bulicina Faso nni.

A Koanbála Táánli puni u sanu ke ban bogini yaa báli máama yeni n pundi Depiteenba tuonsoandiegu kani.

I.4. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

A koanbáalia táánli táá **tiwaankayenli** ki waani li binli 2025-2026 kunkunkpaabu n den cuoni màamà leni li binli 2026-2027 kunkunkpaabu po mo ban sugini yaala.

Li binli 2025-2026 kunkunkpaabu po, bi waani ke ban den fidi ki koni yaa fanma den tie **baabiciami (ha) 391 407**, ki sua yaa siagu n pendi yeni ban den koni yaa fanma ti kunkundi den tie baabiciami (ha) 346 778; lani n bua ki yedi ke bu kunkunkpaabu koafanma pugini kobiga yuli po 13%. Laa koafanma nni ban den bàà yaa kunkunwoga den tie **tonninba 314 293 (ti kunkunfandi leni ti nasaalikunkundi táánma)** li binli 2025-2026 siagu po, ki sua yaa siagu n pendi yeni mo, li den tie tonninba 294 507.

Ban suginui 2026-2027 siagu po ki bàà yaa kunkunfandi tie **tonninba 532 000** ke ti naasaalikunkundi mo tie **tonninba 2 250**. Ban bili yaa bugidi dunli siagu po ti bugiboandi (ENNIPEKA) tie **tonninba 110 085** ke mi bugiyaama (Iree) mo tie **tonninba 38 013** .

Li binli 2026-2027 kunkunkpaabu po, bi bili ke ti kunkunkpiadi dunkuakaaga baa yaa tie **K 62 Seefa ligi nni kilo yendo** ke ti kunkunyuandi mo yaa dunkuadikaaga n yaa tie **K 57 285 Seefa ligi nni kilo yendo**. Yaala n tie ti nasaalikunkundi mo ti dunkuadikaaga tie **K 75 Seefa ligi nni kilo yendo**.

Li panli ligi ti bugiboandi leni mi bugiyaama **kilo 50 kpalipiagu tie K 3 500**. A Koanbála Táánli waani ke ti kunkundi tuonsoancàga n táani ki bili laa dunga bi kunkunkpakpaaba todima po.

A Koanbála Táánli mia yaa koanbála n die bu kpaabu leni ti kunkundi tuona n táá yaa jaga n moana li binli 2026-2027 kunkunkpaabu siagu ŋamu po.

I.5. YAA KOANBADIEGU N DIE A COGIBIGBENGA CÓGÚ LENI MI BANCANMA LINGINMA TUONA KANI

A koanbáalia táánli táá **másienkaama tili** ki waani a cogibigbenga cógú leni mi bancaama lingima tuona nni, ki bàà i ligi todima (burisi) n baa yaa ŋoa màamà.

Li tie yaa másienkaama tili n guani ki pegidi yaa másienkaama tili lanba n tie n°2021-1263/PRES/PM/MAECIABE/MINEFID/MESRSI/MFPTPS/MJPEE, ban den táa yaama li binli 2021, piiga n cilie dana 09 ki waani u cógú leni mi bancaama lingima tuona ligi todima pò yaa sanbila n ye.

Laa másienkaama tili goalebidima bua ki teni u cógú todima ligi n bàà yaa báli máama n baa yaa gobidi yaa ligi n ña laa todima boginidaginma po ki go teni ban fidi ki yaa todi a cogibila ban bili yaa cogitààna pò.

Laa másienkaama tili nni, li boncanla yaala n tugi yuli tie :

- ki teni ban gandi yaaba ke bi tie mi diema kpienbila n yaa bààdi bi cógú po ban gagidi ki bili yaa ligi todima;
- ki guani a cogibigbenga cógú todima ligi u cógú leni mi bancanma lingima todima ligicagili nni (FOSERI), ban yi yaali Bangiri Bawobo ;
- ki cilini u cógú tuona po todicanma ban yi yaa todima « báadogu buacianma todima » ke laa todima baa yaa ña yaa niba n sua ke li pundi u báadogu buacianma po, ban todi a cogila u cógú leni mi bancanma lingima tuona nni;
- ki yen bili binli kuli ban baa fidi ki todi u cógú po yaa cogibila leni yaa ligi n dá màamà;
- ki ñanbi ki doagidi canyi, u cógú todima ligi sanbila n baa yaa ñua màamà ke li yegi leni mi banma, a cogitààna leni lan tie yaa Baki buolu;
- ki kaani yaa càgili n yen baa gandi yaa cogibila n pundi ban gagidi ki todiba leni u cógú todima ligi.

Laa másienkaama tili baa teni yaa koanbadiegu n die a cogibigbenga cógú leni mi bancanma linginma tuona n bàà bálímáapanma u cógú leni mi bancanma lingima tuona ligi todima boginmoanma po.

II. I LÀABÁALITENKE

II.1. Yaa koanbálii n die i làabáali, ku màásùagu, i nii tagima leni yanluadi goada tuona puni a koanbáalia Táanli yaa làabáalu n tuugi leni mi cicilima po, mi làabáalitenma tuonsoanba titoama tienma, ban yi yaama « Sama Dori ».

« Sama Dori » titoama tie yaa biigima n baa todi ban bandi bi jaba leni bi puoba yaaba n tie mi làabáalitenma tuonsoanba, yaaba n kuadi li bonla leni mi ñoamaama, yaa tuonsoanba n diidi yaa tuginma n ye bi niba siiga, yaa tuonsoanba n doagidi ti tiadi mi kuadima po. Li tie ki bandi bi niinni yuakuli n pia yaa sani o sienu po ki go jaandi o li po.

Ban lingi yaala laa titoama boginma nni tie ki paagi mi làabáalitenma tuonsoanba pala bi tuonli nni ki go doagidi Gufenema yantiali yaali n tie ki pugini mi làabáalitenma paalu, ki yaa tendi i làabáali leni ti bulicindi, ki lingi yaa bancanma n tuugi leni ti màásùagu leni bi niba yema bonla.

Bi ba juodi laa tuonli leni « o làabáalitenlo ñiagu », lan yogunu yo ke bi ba waani yaaba n soani ki cie bi lieba.

II.2. Yaa koanbálii n die ku gbanansaagu jeliti tuona, bi nipanba leni a tuona báama puni a koanbáalia Táanli yaa làabáalu n tuugi leni Bulicina Faso n den gedi yaa taanli li tuonboginkaali « mi domaatiema tuadijama cogidieli » cagimuuli, ke li den tieni li binli 2026 cinaa o dana 17 ki gedi cimuu o dana 02 daali Bamako, Mali diema nni.

Ban lingi yaala laa tuonboginkaali nni, lini yaali ke Mali paatieba den bogini ki baa teni mi bangima yaa domaatieba n pia ti yudandi, li juunli, ki puni bi yula , ke bi ba fidi ki le bi niinni mi diema n bili ke yaali n tie tuadijama nannani u báadogu buama, ti bulicindi, leni u tááyejamu, ki ya go tie candanbaaba bi niba siiga.

Laa cagili nunlema tie ke diema leni diema n taani ki moa bi yudiedima po, ki ñii bi nipanba po ki bogini Sayeli dogi tuginyenma cagili (AYESI) saala yema. Lani yaa po, li binli 2026 táánli po, bi den kuani li cagili nni Bulicina Faso leni Niseeri nipanba ki bua ki pugini Sayeli dogi tuginyema paalu.

Bulicina Faso kuama laa cagili nni todi ke li pugini mi diema leni AYESI dogi tuginma paalu. Li go todi u tááyienú leni mi banma paalu puginma ti diema leni Mali leni Niseeri dogi siiga.

III. BAN DINI YAABA A BÁLA

III.BAN DINI YAABA A BÁLA YENDI YENDO TUONA NNI

A. YAA KOANBADIEGU N DIE U LOAGU LENI I LIGI KUBIMA TUONA KANI

Ti lielo Evarisiti **MILOGO**, o lanba li tuonli nni tie **216 141 H**, o tie Bàaló ligi tuonsoandiedi tuona gobidikoa, bi dini o li báli ke o tua Bàaló tuonsoankaana pianma goandima tuona yudaano li tuonli báama tuonsoandiegu Bulicina nni « ABEPE » kani.

- Ti lielo Isimayeli di Sumayela **LAMUKIRI**, o lanba li tuonli nni tie **91 667 V**, o tie Bàaló ligi tuonsoandiedi tuona gobidikoa ,bi dini o li báli ke o tua Bàaló tuonsoankaana pianma goandima tuona yudaano a kpaadidiena guuda cogidieli kani
- Ti lielo Mohamadi **KAGANBEGA**, o lanba li tuonli nni tie **235 878 F**, o tie Bàaló ligi tuonsoandiedi tuona gobidikoa, bi dini o li báli ke o tua Bàaló tuonsoankaana pianma goandima tuona yudaano Iniverisité Fositen Sie SIBI kani ;
- Ti lielo Bubié Jan **IDO**, o lanba li tuonli nni tie **294 300 Z**, o tie Bàaló ligi tuonsoandiedi tuona gobidikoa , bi dini o li báli ke o tua Buguriba porovenso nni Bàaló tuonsoankaana pianma goandima tuona yudaano ;
- Ti lielo Bewenditaworé Dafidi **YAMEWOGO**, o lanba li tuonli nni tie **334 261 F**, o tie Bàaló ligi tuonsoandiedi tuona gobidikoa , bi dini o li báli ke o tua Udalan porovenso nni Bàaló tuonsoankaana pianma goandima tuona yudaano.

B.YAA KOANBADIEGU N DIE TI DIEMA LENI DIETOAMA SIIGA NANTAADI KANI

- Ti lielo Emanuweli **KONPAWORE**, o lanba li tuonli nni tie **118 852 C**, o tie diema leni mi yama tuginma tuona tundikoa, bi dini o

Tinunga **16** tinunmu **19** siiga

li báli ke o tua li koanbálii tundikoa Bulicina faso saliwuudidiegu Kopennihagi Danemariki po ;

- Ti lielo Filipi **SANDIWIDI**, o lanba li tuonli nni tie **97 442 E**, Diema leni mi yama tuginma tuona tundikoa , bi dini o li báli ke o tua Bulicina Faso tondo, li handunli nni cógúciamu cogidieli Yudaano

C. YAA KOANBADIEGU N DIE MI TAGIMA TUONSOANDIEDI, U KPENDU LENI U NUU TUONSOANBANMA TUONA KANI

- Ti lielo Patirisi **FOROGO**, o tie banki (ligigidiegu) tuonsoanciamo, bi dini o li báli ke o tua mi diema nni, a masina kpabuoli leni gaasi tuonsoanjaali (SONABI) Yudaano.

III.2. BAN DINI YAABA A BÁLA A TUONSOANJÀANA YÈLI PÒ

A Koanbála Táanli baa ban dini yaaba a bála a tuonjaana tuona boginma pò:

- li tuonsoancagili Faso Mèbo Bulicina Faso Yudanciamo Badidiegu yèli nni;
- bi niba yema ñamu tuonsoanba bangima cogidieli (INEFITEESI) ku diegu yema leni toriyaba koanbadiegu yèli nni;
- mi diema yaa tuonsoandiegu n tagi kuuran (SONABELI) yaa koanbadiegu n diidi kuuran tuona leni ki tinga tugu nni piama tuona yèli nni.

A. BULICINA FASO YUDANCIAMO BADIDIEGU KANI

A Koanbála Táánli táá **másienkaama tili yenli** ki dini li báli ti lielo, Ibirayimi **WEDIRAWOGO**, o tie minteeligbeeli, o tua li tuonjaali Faso Mebo tuona boginma cagili gobidikoa Bàaló yeli pò, yaa koanbadiegu n die bu toabu leni u báadogu guudima tuona yèli nni, o cici báli pò bina táa (03).

B. KU DIEGU YEMA LENI TORIYABA KOANBADIEGU KANI

A Koanbála Táánli táá **másienkaama tili yenli** ki dini li báli yaa niba yaa yela n nua ne ke bi tua bi niba yema n̄amu tuonsoanba bangima cogidieli tuona gobidima cagili Gobidikaaba, bi cici báli pò bina táa (03).

YUA N TUA A TUONA BOGINMA CAGILI GOBIDIKOA BI NIBA YEMA DAMU TUONSOANBA BANGIMA COGIDIELI (INEFITEESI) TUONSOANBA YELI NNI

- Ti lielo Idirisu **NAKURO**, o lanba li tuonli nni tie **47 730 K**, o tie a biñinda cogidiena tuona goandikoa

YUA N TUA A TUONA BOGINMA CAGILI GOBIDIKOA BI NIBA YEMA DAMU TUONSOANBA BANGIMA COGIDIELI (INEFITEESI) COGIBILA YELI NNI

- Ti lielo Poli Ibirayimi **JERIMA**, o lanba li tuonli nni tie **286 652 C**, o tie bi niba yema bangima Tundikoa cogibiga hali o bali li cogidieli kani n baa taa yaa yogunu bianu.

C. YAA KOANBADIEGU N DIIDI KUURAN TUONA LENI KI TINGA TUGU NNI PIAMA TUONA KANI

Tinunga 18 tinunmu 19 siiga

A Koanbála Táánli táá **másienkaama tili yenli** ki dini li báli ti lielo Esèni **SONGO**, o lanba li tuonli nni tie **85 84 T**, o tie a ligikubili tuonsoanba gobidikoa, o tua mi diema yaa tuonsoandiegu n tagi kuuran (SONABELI) tuona boginma cagili Gobidikoa, bi cici báli pò bina taa (03), ki tua ti lielo Pudiba Alini BASIEMO/YAMEWOGO lèbidu.



www.sig.gov.bf

Gufenema Másoagindo



Pengidiwende Silibeedi WEDIRAWOGO

O bàà Bàaló jaandi leni Tanjoa mààlima

Tinunga 19 tinunmu 19 siiga